

Go golegilwe disekerete tšeo di sego molaong, metsoko ya *hookah-pipe* le dimetale tša dikerepe tša boleng bja R 40-million

Tshwane, 10 Disemere 2021 – Karolo ya ka Khasetomo ya Ditirelo tša Motšhelo tša Afrika Borwa (SARS), ka tirišo ya sebjalebja le mokgwatšhomo wa kgeso le go šoma le dietšensi tše dingwe tša molao, ba swere disekerete tšeo di sego molaong, metsoko ya *hookah-pipe* le dimetale tša dikerepe tša go dira palomoka ya motšhelo ya R40-million.

Disekerete tše di sego molaong di kgesitšwe ka boemakepe bja ka Durban, boleng bja R35-million, gape ka Polokwane, boleng bja R3-million. Thoto ya dimetale tša dikerepe tšeo di sego molaong tša boleng bja Khasetomo bja R160 000 e ile ya golegwa ka Polokwane.

Mapokisi a 432 a motsoko wa *hookah-pipe*, a boleng bja R 2-million, a ile a kgesa ka City Deep gomme a ile a laodišwa bjale ka swikiri ya *molasses* yeo e bego e le ka bobolokelophahlo bakeng sa kišontle ya Malawi. Le ge go le bjale, tshedimošo e laeditše gore motsoko o be o swanetše go phatlalatšwa le mmaraka wa selegae.

Diyuniti tša ka Khasetomo ya SARS le karolo ya Kgwebo yeo e sego Molaong e dirile ditshepetšo ka thekgo ya Kgoro ya Ditirelo tša Maphodisa a Afrika Borwa (SAPS) le Kgoro ya Dinyakišišo tša Bosenyi bja Pele (Hawks).

Go swarwa ga disekerete tšeo di sego molaong ka boemakepe bja ka Durban go diregilw morago ga ge SARS e dirišiše mekgwatšhomo ya yona ya kotsi ya sebjalebja le tebanyo go šupetša dithoto tšeo di bego di išwantle ke mosenyi wa leboelela. Dithoto di be di sa laodišwa ka maleba bjale ka dikomiki tša go thubega tša seramiki le ditheipi tša go kgomaretša.

Thoto e be e le dikhontheina tše tharo tšeo di bego di swere makase a magolo a 1800 a disekerete tša RG le makase a magolo a 1245 a maswao a naga ya ka ntle ao a sa ngwadišwago go ka rekišwa ka Afrika Borwa.

Ka Polokwane, SAPS e emišitše theraka ya disekerete gomme ya tsebiša baofisiri ba ka SARS. Yunii ya Kgwebo yeo e sego Molaong e setšhitše theraka gomme ya hwetša mapokisi a 276 a disekerete tša *Remington Gold* ao a bego a se na setempe sa taemane ya Afrika Borwa, tša boleng bja R3-million.

Ka gare ga theraka, baofisiri ba hweditšše thoto ya dimetale tša dikerepe tša boleng bja Khasetomo bja R160 000. Theraka e tsene ka nageng ka poso ya mollwane wa Beit Bridge. Bagononelwa ba bane ba ile ba golegwa.

Khomišinare wa SARS Edward Kieswetter o boletše gore baišantle le batlišagae ba ditšweletšwa tšeo di sego molaong ba hloka go lemoga gore SARS e diriša

mekgwatšhomo ya sebjalebjae bakeng sa kgeso ya kotso le tšhupetšo ya morwalo wa go belaetša.

“Tirišo ya theknolotši ya bjalebjae, data e kgolo, mekgwatšhomo le metšhene ya thuto go kgesa go se obamele ke enngwe ya ditebo tša leano la rena gomme di wela ka gare ga morero wa rena wa go aga SARS ya bohlale, ya sebjalebjae yeo e labalabelwago gape e tshephagalago. Re leka ka maatla bakeng sa obamelo ya boithaopo eupša re šomana ka bogale le bao ba tlogago bas a obamele le ditiragalo tša bosenyi,” Mrn Kieswetter o tlaleditše.

Go hwetša tshedimošo enngwe, ikgokaganye le Sarsmedia@sars.gov.za